

БӨЛІМ: БАЛАБАҚША

Жыл мезгілі

ЖАРИЯЛАНДЫ
24.10.2018СІЛТЕМЕ
https://bilimger.kz/53400/

АННОТАЦИЯ / АҢДАТПА

Байділда Гүлзада Құлшыққызы
«Аққайың» бөбекжайының тәрбиешісі
Ырғыз ауданы
Ақтөбе облысы

Білім беру саласы: Коммуникация
Ұйымдастырылған оқу іс-әрекет түрі: Көркем әдебиет

Тақырыбы: Төрт мезгіл

Мақсаты: Балаларға төрт мезгіл туралы түсінік беру. Өлең жолдарын түсіндіру.

Міндеттері: Төрт мезгілдің ерекшелігін ажыратуға үйрету. Мәнерлеп айту дағдысын, сөздік қорын дамыту. Табиғатты қорғауға тәрбиелеу.

Көрнекілігі: Мазмұнды суреттер, турлі-түсті карточка, қоңырау т.б.

Сабақтың барысы:

1. Ұйымдастыру.

Балалардың назарын сабаққа аудару. Тәрбиеші қоңырау соғып балаларды шеңберге шақырады.

Қоңырау біздің сиқырлы,

Сыңғырлап тағы ән салды.

Шақырды бүгін тағы да,

«Шеңберге тұр», — деп баршаңды.

Балалар шеңбер жасап тұрады да тәрбиеші өзі бастап қолдарындағы гүлді бір-біріне тілек айту арқылы ұсынады. Гүл шоқтары көбейіп тәрбиешіге бір құшақ «Тілек шоғы» болып оралады.

-Өзгелерге тілек тілеп, жақсылық жасасаң, ол өзіңе қайта оралады, — деп қорытынды жасайды.

2. Жаңа сабақ.

-Қазір біз жыл мезгіліне арналған таңғажайып саяхатқа аттанамыз. Жол бойында аялдамаларға тоқтап демаламыз.

1-аялдама: Аспанның түсі суық, сұр бұлт жиі-жиі торлайды. Тырналар сап түзеп жылы жаққа ұшып бара жатыр. Бау-бақшада жемістер уылжып пісіп тұр. Бұл қай мезгіл?

-Күз мезгілі.

Күз мезгіліне байланысты сергіту сәті:

Алма баққа барайық,

Алма теріп алайық.

Ең үлкенін, тәттісін

Әжемізге сыйлайық.

Қ. Шаңғытбаевтың «Күзгі жапырақтар» өлеңін хормен айту.

Алтын, сары, қызыл, көк...

Алуан-алуан жапырақ.

Күзгі бақта күлімдеп

Көз тартады атырап.

2-аялдама: Балалар, мына суретке қараңдаршы. Айнала аө көрпе жамылған, өзендер қатып қалған. Жылы киінген балалар шана теуіп жүр. Бұл қай мезгіл?

-Қыс мезгілі.

М. Әлімбаевтың «Қыс келбеті» өлеңін жатқа айту.

Аққу мамық ұлпа қар,

Жамылады қырқалар.

Шымшып аяз бетіңді

Ширатады етіңді.

-Саяхатты одан әрі жалғастырамыз.

3-аялдама: Сай-салада сылдырап сулар ағып, ағаштар бүршік жара бастады. Құстар ұшып келіп, балалар оларға ұя жасап жүр. Жаңбыр жиі жауа бастады. Бұл қай мезгіл?

-Көктем мезгілі.

Көктемге байланысты саусақ жаттығуы:

Жаңбыр жауды,

Жаңбыр қатты-қатты жауды.

Жаңбыр басылды

Күн шайдай ашылды.

Н.Өтетілеуовтың «Көктем» өлеңін оқу.

Көкке бояп өңірді,

Көктем келді көңілді.

Бау-бақшада, орманда

Құстар әні төгілді.

4-аялдама: Айнала қызыл-жасыл гүлге бөленген. Көбелектер, аралар гүлден-гүлге ұшып-қонып жүр. Балалар өзен жағасында күнге қыздырынып жатыр. Бұл қай мезгіл?

-Жаз мезгілі.

Жаз мезгіліне байланысты сергіту жаттығуын жасау:

Жел уледі -у,-у.

Құйын келіп биледі -гу, -гу.

Қатты-қатты жел соқты -зу,-зу.

Жапырақтар қол соқты -ду,-ду.

Е.Өтетілеуовтың «Жаз» өлеңінің мазмұнын түсіндіру.

Орман, көлге, жайлауға,

Шақырады жаз жайраң.

Шаршамайды шарлауға

Барлық бала мәз-мәйрам.

3.Қорытынды.

Сұрақтарға жауап алу.

-Қай кезде қызыл-сары жапырақтар көп болады?

-Қай кезде гүлдер қсіп, көбелектер ұшады?

-Қай кезде күн суытып, қар жауады?

-Қай кезде сулар ағып, құстар жылы жаққа ұшады?

Балалардың жауабы.

-Балалардың қатысымына қарай бағалап мадақтау.

КМ АА Күәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.